



ქალაქ ფოთის მუნიციპალიტეტის საკრებულო

განკარგულება № 11/53

2021 წლის 21 მარტი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2021 წლის 6 აგვისტოს პეტიციის (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) შესახებ

ქალაქ ფოთის მუნიციპალიტეტის საკრებულოს 2021 წლის 6 აგვისტოს წარდგენინა ელექტრონული პეტიცია ვებგვერდის <http://petition.lsg.ge/poti/> მეშვეობით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119^o-ე მუხლის მე-12, მე-13, მე-14 პუნქტების შესაბამისად, პეტიციის ტექსტის მოქმედ კანომდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შეესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2021 წლის 6 აგვისტოს ელექტრონული პეტიციით მოქალაქეები ითხოვენ:

ქალაქ ფოთის მუნიციპალიტეტის მერიამ და საკრებულომ, დაუყოვნებლივ გამონახოს სახსრები ნაბადის უბნის მაღალი დაბინძურების ზონებში მცხოვრები ბავშვების მძიმე მეტალებზე შესამოწმებლად.

„ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებით დამტკიცებული მუნიციპალიტეტის 2021 წლის ბიუჯეტი (პროგრამული კოდი: 06 02 09) ითვალისწინებს ქალაქ ფოთის მუნიციპალიტეტის ტერიტორიაზე (ჯავახიშვილის ქუჩა და სხვა უბნები) მცხოვრები ბავშვების ჯანმრთელობის მდგომარეობის შესწავლას, კვლევაში ჩართული ბავშვების სამედიცინო და ლაბორატორიულ გამოკვლევას, ბავშვების ორგანიზმში მძიმე მეტალების არსებობაზე.

ქალაქ ფოთის მუნიციპალიტეტსა და სს „ევექსის“ პოსპიტლებს შორის დადებული სახელმწიფო შესყიდვების შესახებ 2021 წლის 17 ივნისის №80 ხელშეკრულება, სატენდერო დოკუმენტაცია (ელექტრონული ტენდერის განცხადების NAT210009855) ითვალისწინებს 104 ბავშვის გამოკვლევას მძიმე მეტალზე, აქედან, 52 ბავშვი უნდა იყოს ჯავახიშვილის ქუჩაზე მცხოვრები, ხოლო დანარჩენი 52 - ქალაქ ფოთის მუნიციპალიტეტის სხვადასხვა უბნებში მცხოვრები.

პეტიციის ავტორმა ელექტრონული (ელექტრონული ფოსტა) წერილით დააზუსტა პეტიციის მოთხოვნები, კერძოდ: ჯავახიშვილის ქუჩასთან ერთად, უნდა ჩატარდეს ქალაქის სრულმასშტაბიანი კვლევა, რისთვისაც, საჭიროა 200 ბავშვის შემოწმება მძიმე მეტალზე, დაბინძურებულ ზონებში (ჭავჭავაძე-სააკაძე-ფალიაშვილი) მინიმუმ უნდა დაემატოს 80-100 ბავშვი.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-4 პუნქტის შესაბამისად, მუნიციპალიტეტი უფლებამოსილია სახელმწიფო პოლიტიკის გამტარებელ ორგანოსთან კოორდინაციით - ჯანმრთელობის დაცვის მიზნით განახორციელოს ღონისძიებები.

საქართველოს ზოგადი ადმინისტრაციული კოდექსის 96-ე მუხლის პირველი ნაწილის შესაბამისად, ადმინისტრაციული ორგანო ვალდებულია, ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯრების საფუძველზე. ამდენად, ზემოხსენებული საკითხი შესწავლილ უნდა იქნას არსებითად; დადგინდეს, თუ რამდენად საჭიროა ქალაქ ფოთის მუნიციპალიტეტის (მათ შორის ჭავჭავაძის, სააკაძის, ფალიაშვილის ქუჩებზე, მინიმუმ 80-100 ბავშვი) მასშტაბით დამატებით, ბავშვების სამედიცინო და ლაბორატორიულ გამოკვლევა, ბავშვების ორგანიზმში მძიმე მეტალების არსებობაზე და სხვა. საკითხის დადებითად გადაწყვეტის შემთხვევაში გატარდეს ქმედითი ღონისძიებები (საბიუჯეტო ან/და სხვა სახსრების მოძიება, შესყიდვების განხორციელება და სხვა).

აღნიშნულიდან გამომდინარე:

მუხლი 1.

1.ცნობად იქნას მიღებული ის გარემოება, რომ „ქალაქ ფოთის მუნიციპალიტეტის 2021 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2020 წლის 23 დეკემბრის №21/27 დადგენილებით დამტკიცებული მუნიციპალიტეტის 2021 წლის ბიუჯეტი (პროგრამული კოდი: 06 02 09) ითვალისწინებს ქალაქ ფოთის მუნიციპალიტეტის ტერიტორიაზე (ჯავახიშვილის ქუჩა და სხვა უბნები) მცხოვრები ბავშვების ჯანმრთელობის მდგომარეობის შესწავლას, კვლევაში ჩართული ბავშვების სამედიცინო და ლაბორატორიულ გამოკვლევას, ბავშვების ორგანიზმში მძიმე მეტალების არსებობაზე.

2.ცნობად იქნას მიღებული ის გარემოება, რომ ქალაქ ფოთის მუნიციპალიტეტსა და სს „ევექსის“ ჰოსპიტლებს შორის დადებული სახელმწიფო შესყიდვების შესახებ 2021 წლის 17 ივნისის №80 ხელშეკრულება და სატენდერო დოკუმენტაცია (ელექტრონული ტენდერის განცხადების NAT210009855) ითვალისწინებს 104 ბავშვის გამოკვლევას მძიმე მეტალზე, აქედან, 52 ბავშვი უნდა იყოს ჯავახიშვილის ქუჩაზე მცხოვრები, ხოლო დანარჩენი 52 - ქალაქ ფოთის მუნიციპალიტეტის სხვადასხვა უბნებში მცხოვრები.

3.ქალაქ ფოთის მუნიციპალიტეტის საკრებულოში წარდგენილი 2020 წლის 6 აგვისტოს პეტიცია (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) დაკმაყოფილდეს ნაწილობრივ, კერძოდ: ქალაქ ფოთის მუნიციპალიტეტის მერმა, მერიამ საკითხი შეისწავლოს არსებითად, დაადგინოს თუ რამდენად, საჭიროა ქალაქ ფოთის მუნიციპალიტეტის (მათ შორის ჭავჭავაძის, სააკაძის, ფალიაშვილის ქუჩებზე, მინიმუმ 80-100 ბავშვი) მასშტაბით დამატებით, ბავშვების სამედიცინო და ლაბორატორიულ გამოკვლევა, ბავშვების ორგანიზმში მძიმე მეტალების არსებობაზე და სხვა. საკითხის დადებითად გადაწყვეტის შემთხვევაში გატარდეს ქმედითი ღონისძიებები (საბიუჯეტო ან/და სხვა სახსრების მოძიება, შესყიდვების განხორციელება და სხვა).

4.საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-4 პუნქტის შესაბამისად, ქალაქ ფოთის მუნიციპალიტეტის მერმა, მერიამ აღნიშნული განკარგულების შესრულებასთან დაკავშირებით გატაროს შესაბამისი ღონისძიებები სახელმწიფო პოლიტიკის გამტარებელ ორგანოსთან კოორდინაციით.

5.ქალაქ ფოთის მუნიციპალიტეტის მერმა (გოჩა კურდღელია) აღნიშნულ განკარგულების შესრულებასთან დაკავშირებით გამოყოს პასუხისმგებელი პირი/პირები და პერიოდულად საკრებულოს წარუდგინოს ინფორმაცია გატარებული ღონისძიებების შესახებ.

6.აღნიშნული განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს სოციალურ საკითხთა კომისიას.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ურთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით ალმაშენებლის ქუჩა №3).
მუხლი 3.

განკარგულება ძალაშია 2021 წლის 31 აგვისტოდან.

საკრებულოს თავმჯდომარის მოვალეობის
შემსრულებელი, თავმჯდომარის მოადგილე



აკაკი დარჯანია